


靈寶領教濟度金書卷之十





御製

天地定位 陰陽協和 星辰順度 日月昭明
 寒暑應候 雨暘以時 山嶽靖謐 河海澄清
 草木蕃庶 魚鼈咸若 家和戶寧 衣食充足
 禮讓興行 教化修明 風俗敦厚 刑罰不用
 華夏歸仁 四夷賓服 邦國鞏固 宗社尊安
 景運隆長 本支萬世 正統十年十月十一日

靈寶領教濟度金書卷之十

伐一

洞微高士開光救苦真人審金真授

靈寶通玄弘教水南先生林靈真編

讚頌應用品

開度祈
禳通用

啓壇頌

渺渺空无象	悠悠感至靈	敬則承天貺
泄則被魔精	吉凶隨運轉	否泰應緣生
道不貴珠玉	神惟感至誠	丹情盡勤苦
懇禱竭玄情	自然通大道	皆得降真靈
捻香陳所願	稽首冀嘉貞	天尊常湛寂

回心禮杳冥

解壇頌

太空包有象

至道窈无形

承和通妙炁

感應達衷情

倏忽周八極

依俵降萬靈

微香陳素悃

委質表丹誠

遠汎翔鸞蓋

遐攀綺鳳旌

伐一

烟宮高鬱鬱

霞閣上亭亭

瓊駕出霄漢

金龍入太清

甘露降人世

景福被幽冥

請玄師頌

科律嚴章奏

精誠享百神

投詞陳悃願

潔醮答高旻

俯盼垂雲駕

冥心啓上真

玄師都教主

奉請降凡塵

請天師頌

太上傳符籙

初因過鶴鳴

積功超玉簡

列位侍三清

接引章詞奏

克隨凡庶情

修齋當奉請

願俯鑒精誠

請監齋頌

寶號留塵世

仙階列上清

三千功已滿

八百行先成

禮懺修真福

監齋作證盟

今宵雲馭降

祥祉被含生

請天官頌

妙道垂真教

修齋立福田

結壇朝上聖

建醮會高仙

注念通霄極

精心感上玄

天官乘寶輦

彩仗下凡筵

請地官頌

翼翼陳丹悃

兢兢仰紫虛

祈通塵下志

願達土皇君

潛應垂真佑

遐臨赦罪書

地官來下降

俄擁五雲輿

請水官頌

方便開真化

慈悲立聖科

虛心修妙會

調炁詠靈歌

默念祈淵府

丹誠通大羅

水官龍駕降

雲錦起滄波

請五帝頌

五帝居仙品

糾彈善惡因

祥光臨宇宙

惠澤濟沈淪

發露祈真佑

冥心感聖賢

存亡俱快樂

享福永無垠

請經師頌

入靖修黃籙

嚴裝啓上仙

奏章先達御

詞款欲闢宣

寶籙因師度

威儀太上傳

經師來下降

奏請列群仙

請籍師頌

肅肅祈清福 誦誦結寶齋 登壇須此夜

行道續徘徊 有願仍雖啓 皈心道眼開

籍師來下降 仙仗下瑤臺

請度師頌

伐一

經戒丹心稱 虔誠召百神 拾香祈至聖

持戒請仙真 清詠凌朝啓 精思入夜勤

度師來下降 保護結齋人

送玄師頌

三

上帝命真仙 修齋黃籙壇 諸天來下降

焚香懺罪愆
祈恩行道畢
齋事已周圓

洪福留人世
玄師上九天

送天師頌

齋福已精嚴
表牒上九天
至誠通感應

闔門得延年
掌籍諸天衛
章詞達御前

祖宗咸升度
嗣胤慶榮遷
三天扶教主

事畢奏功圓

送監齋頌

靈壇崇法席
允賴下監臨
糾過兼書善

真仙亦仰欽
行當驅道騎
縹緲五雲深

生存當有賴 更復濟幽沈

送天官頌

妙範修齋直 明科洗罪根

瞻穹崇上善

瀝懇致微言 既納依投靖

蒙垂覃宥恩

天官還玉府 寶駕入金門

送地官頌

靜會朝元罷 三塗結福田

真恩宣五嶽

誠悃奏三天 徹席停宗範

解壇送列仙

地官回嶽府 高涉五雲輶

送水官頌

宣演靈音畢 諸仙返上穹 靈光除橫厄

甘露降真風 復命驪龍駕 遙還太室宮

水官歸洞府 福祿賜無窮

送五帝頌

仙仗來霄極 尊臨列五方 檢氛吹羽節

伐一

鸞鳥輅駐清揚 齋事將圓徹 回輿返上蒼

四

流恩無不遍 豈但感馨香

送經師頌

經法雖微妙 崇奉悉因師 凡有立善者

咸得頻禮之 氣運功易就 心慢悔難追

若能勤繫念 朝夕自仙飛

送籍師頌

道以齋爲重 法以朝爲常 不修不奉者

安能達帝鄉 有骨入仙品 自然開紫房

玄武排靈駕 但見金殿堂

送度師頌

迢迢玉京山 玄都何巍巍 朗朗長夜開

真人乘步虛 大道由人弘 心至神自歸

修齋行道畢 稽首辭三師

明燈頌

太上散十方

華燈通精誠

諸天悉皆照

諸地皆朗明

我身亦光徹

五臟生華榮

炎景朝太虛

遐想通玉京

丹精寄太元

玄陽空中響

貪形滅苦根

幽妙至真想

垂華不規實

因緣永無象

我身亦如之

戊一

乘化托流景

五

夜光表丹陽

迢遙照虛空

諸天普光顏

諸陰即自滅

我神亦聰明

常玩智與慧

逍遙通道運

遷謝任天勢

舉形躡空洞

夜燭燥流萃

文獻
智慧頌

智慧生成戒根 真道戒為主 三寶由是興

高仙所崇受 汎此不死舟 倏忽躋大有

當此說戒時 諸天皆稽首

智慧起本无 朗朗超十方 結空峙玄霄

諸天挹流芳 其妙難思議 靈感真密通

有有竟无有 無無无不容

智慧常觀身 學道之所先 眇眇任意肆

自然錄我神 天尊常擁護 魔王為保言

晃晃金剛軀 超超太上仙

吳吳金
奉戒頌

道為无心宗 一切作福田 立功无定主

本願各由人 虛已應衆生 注心莫不均

大聖崇至教 亦由雨降天 高凌靡不周

常卑故成淵 海為百川王 是能含龍鱗

萬劫保智用 豈但在厥年 奉戒不暫虧

世世善結緣 精思念大乘 會當體道真

還戒頌

天尊大慈悲 說戒度衆生 威德被幽顯

果報感真靈 諸天來稽首 群魔自束形

過去超八難 見在保千齡 齋福行當息
相共送虔誠 流梵逸雲唱 飛香雜烟馨
瓊鳳乘丹輦 金龍駕綠駟 生死皆快樂
家國悉安寧

燒香頌

戊一

學道當勤苦 斂信運丹誠 燒香皈太上

六

真炁雜烟馨 惟希開大宥 七祖離幽冥

太極頌

道以齋為先 勤行登金闕 故設大法橋
普度諸人物 宿世恩德報 道心超然發

身飛升仙都
七祖咸解脫

投簡頌

太上法微妙
簡錄度人天

元始告符命

時刻獲升仙
傳授救沈溺

方得自翛然

書名金錄簡
逍遙玉帝前

奏名正帝前

度簡頌

赤明開元圖
和暢通上虛

元始敷靈章

十部飛天書
開度九幽祖

萬遍道自居

玉阜秀瓊林
生死福德廬

自無黃錄簡

苦根焉得除
旋行誦靈章

五靈還相扶

焚詞頌

衆生多障難

大道實矜憐

濟度垂科教

咸令懺罪緣

罪愆遍地府

釁結已聞天

發露祈真佑

冥心感聖賢

虔恭禮三寶

願得早生天
壽長年

焚詞歸上界

奏名玉帝前

焚疏頌

聖德流科教

修齋福壽長

延生移玉簡

請命奏金章

罪名銷北府

生籍注南昌

見存皆快樂

過去生福鄉

迎真頌

天尊御天龍
百萬神仙騎
雲起自逍遙

玉音成鼓吹
花嚴如意珠
聖化不思議

惟願降瑤壇
福被群生類

送真頌

回輶五雲輿
騰駕九章歌
倏忽沖天遠

醮壇香炁多
玄恩覃宇宙
福祿遍山河

緬想神仙路
逍遙上大羅

送直符頌

仰啓直符使
幽顯路潛通
乘雲馳奏牘

遠涉三界中
紫清金闕邃
玄都水府宮

奏傳資瞬息 端簡俟真風

普獻頌

普獻無邊聖 香烟散十方 願乘七寶臺

垂光五濁世 運度人天眾 咸令上法橋

同會證無為 勤修不退轉

北帝頌

善哉元始尊 眾生慈父母 傾光紫微宮

曲映九幽戶 峩峩丘寒庭 回照廓冰浦

炎炎烈火獄 沛然洒法雨 圓通大哀智

常善濟眾苦 拔度長夜魂 今得稽首禮

三啓頌

樂法以爲妻 愛經如珠玉 持戒制六情

念道遣所欲 淡泊正氣停 蕭然神靜默

天魔並敬護 世世享大福

鬱鬱家國盛 濟濟經道興 天人同其願

我

縹緲入大乘 因心立福田 靡靡法輪昇

七祖生天堂 我身白日騰

大道洞玄虛 有念無不契 鍊質入仙真

遂成金剛體 超度三界難 地獄五苦解

悉歸太上經 靜念稽首禮

又度簡頌

稽首皈依道 歸心元始尊 至真妙應主

開化飛玄門 妙戒怡五靈 金書警萬神

察命定錄籍 靈符度苦魂 乘雲朝玉帝

齊契玄中人

學道讚

學仙行為急 奉戒制情心 虛夷正炁居

仙聖自相尋 若不信法言 胡為棲山林

七真讚

太上玄虛宗 弘道尊其經 俯仰已得仙

歷劫無數齡

巍巍大聖德

寂寂因无生

霄景結空構

乘虛自然征

日月為炳灼

安和樂未央

學仙絕華念

念念相因積

去來亂我神

神躁靡不歷

滅念停虛間

蕭蕭入空寂

請經若飢渴

持志如金石

保子飛仙路

五靈度符籍

濟我六度行

故能解三羅

清齋禮太素

吐納養雲芽

逍遙金闕內

玉京為予家

自然生七寶

人人坐蓮花

仰嚙玄都柰

伐一

九

俯酣空洞瓜

靈顏耀朱日

奚計年劫多

法鼓會群仙

鳴鐘徵大魔

靈風扇奇花

燦爛開繁襟

天真撫雲璈

衆仙彈靈琴

雅歌三天景

散慧玉華林

七祖升福堂

由此步玄音

前世福未足

斯須邈難尋

信道情不盡

圖飛乃返沈

太上无爲道

弘之在兆心

學道由丹信

奉師如至親

挹景伴清輝

孜孜隨日新

衆人不得度

我身大我身

大願有重報

玄德必信然

陰德罪至深

對來若轉輪

學道亦甚苦

積篲而成山

修爾无為道

名為智慧篇

靈姿世不奇

人行各有本

發願莫不從

賢士奉法言

上為太極翁

晨夜建福田

子能耽玄尚

當為結大緣

拔世由人材

時若淵中蓮

皆由宿世功

善惡俱待對

道亦在兼忘

寶蓋連玉佩

種福由植樹

飄爾升清天

太上至隱書

超俗以得真

立德務及時

倚伏理難窮

解是大智慧

命駕御九龍

金華擎洞經

捧香戀仙童

嘯歌徹玄都

鳴玉和瓊鐘

竦身凌太清

超景逸雲霄

保扶持法言

遊玄極逍遙

萬劫猶昨夜

千春如晨朝

巍峩蔭雲華

手攀寶林條

香烟自然生

伐一

十

玄階莫扶搖

靈旛應時散

繁想應時消

滅智弘大混

无為為清謠

華夏讚

勤行奉齋戒

誦經制六情

故得乘空飛

耀景騰玉清

精心奉齋戒

吐納鍊五神

內德冠諸天 轉輪成上仙

大步虛詞

稽首禮太上 燒香歸虛无 流明隨我回

法輪亦三周 玄願四大興 靈慶及王侯

七祖生天堂 煌煌耀景敷 嘯歌觀太漠

天樂適我娛 齊聲无上德 下仙不與儔

妙想明玄覺 洗洗巡虛遊

旋行躡雲網 乘虛步玄紀 吟詠帝一尊

百關自調理 俯命八海童 仰携高仙子

諸天散香花 蕭然靈風起 宿願定命根

故致標高擬
歡樂太上前
萬劫猶未始

嵯峨玄都山
十方宗皇一
岩岩天寶臺

光明爛流日
煒燁玉華林
舊璨耀朱實

常念餐元精
鍊液固形質
金光散紫微

窈窕大乘逸

一

俯仰存太上
華景秀丹田
左顧提鸞儀

右盼携結璘
六度冠梵行
道德隨日新

宿命積福慶
聞經若至親
天挺超世材

樂誦希微篇
沖虛太和氣
吐納流霞津

胎息靜百關
寥寥究三便
泥丸洞明景

遂成金華仙

魔王敬受事

故能朝諸天

皆從齋戒起

累功結宿緣

飛行凌太虛

提携高上仙

控轡適十方

旋憇玄景阿

仰觀劫仞臺

俯盼紫雲羅

逍遙太上京

相與坐蓮花

積學為真人

恬然榮衛和

永享无期壽

萬春奚足多

大道師玄寂

升仙友无英

公子度靈符

太一捧洞章

舍利耀金姿

龍駕歛來迎

天尊盼雲輿

飄飄乘虛翔

香花若飛雪

氛靄茂玄梁
頭腦禮金闕
携手遨玉京

騫樹玄景園
煥爛七寶林
天獸三百名

獅子巨萬尋
飛龍躑躅鳴
神鳳應節吟

靈風扇竒花
清香散人襟
自無高仙才

馬作死心

嚴哉九龍駕
乘虛以逍遙
八天如指掌

六合何足遼
衆仙誦洞經
太上唱清謠

香花隨風散
玉音成紫霄
五苦一時迸

八難順經寥
妙哉靈寶囿
興此大法橋

天真帝一宮
靄靄冠耀靈
流煥法輪綱

旋空入無形 虛皇撫雲璈 衆真誦洞經

高仙拱手讚 彌劫保利貞

至真無所待 時或轡飛龍 長齋會玄都

鳴玉叩瓊鐘 十華諸仙集 紫烟結成宮

寶蓋羅太上 真人把芙蓉 散花陳我願

戎一

十二

握節徵魔王 法鼓會群仙 靈唱靡不同

無可無不可 思與希微通

步虛詞

太極分高厚 輕清上屬天 人能修至道

身乃作真仙 行溢三千數 時丁四萬年

丹臺開寶笈 金口為流傳

大梵三天主 虛皇五老尊

尚難窺竅妙

豈復入冥玄 寶座臨金殿

霞冠照玉軒

萬真朝帝所 飛舄躡雲根

濛濛如細霧 冉冉曳銖衣

妙逐祥烟上

輕隨彩鳳飛 幾陪瑤室宴

忽指洞天歸

佇立扶桑岸 高奔日帝輝

旋步雲綱上 天風颯爾吹

飄裾凌斗柄

秉拂挹參旗 獅子嚙丹綬

麒麟導翠輜

飛行周八極 幾見發春枝

綠鬢魏丹幘 青霞絡羽衣 晨趨陽德館

夜造月華扉 搏弄周天火 韜潛起陸機

玉房留不住 却向九霄飛

水唳魔宮懾 燈開夜府明 九天風靜默

四極烝澄清 嘯詠朱陵曲 翱翔白玉京

戊一

十三

至誠何以祝 國祚永安榮

玉清樂十首

地居天上接空居 萬象森羅遍八區

功用不知誰主宰 絳霞丹霧闕清都

其二

碧落空懸黍米珠
聞經喜慶難言說

十方勃勃入無餘
九色龍騰八景輿

其三

羽童呼吸辟非烟
造化弗從身外得

烟氣徘徊綠室前
自根自本即三天

其四

帝景相將會玉洲
掣開三八黃金鎖

明真層觀紫雲浮
无極虛皇在上頭

其五

白玉飛符下紫庭

華旛三舉召群靈

攀條咀嚼空青藥

五體金光射日星

其六

連昌臺下海揚波

得道高仙始得過

下格小仙追莫及

邕邕遙聽八鸞和

其七

五色雲營靉靆叱

三三洞戶敞瓊門

何方道士通朱表

玉女飛函達至尊

其八

上景三元妙色精

絳宮久已列仙名

更從太混存雌一

縹緲雲車駕羽明

其九

真陽館裏烝徘徊
昇降二宮密往來

生死不干浮世事
相將五老上金臺

其十

三華太素自然生
雲裏芙蓉灼灼明

絳室金房虛寶座
太微童子下相迎

代一

十四

上清樂十首

紫清天上育華林
絳實朱柯綠葉深

咀嚙繁英身不老
下觀烏兔換光陰

其二

元君八素號青靈
錦帔緋裙住玉城
把握帝符司道錄
袂除塵累濟群生

其三

高上皇人宴紫霄
擷芳常引八鸞條
肌膚表裏琉璃徹
映照三途萬苦消

其四

九日宮中四老真
廣霞山上宴仙賓
鳴鐘鼓瑟行靈醕
碧落融融別有春

其五

浮絕山連白玉京
金華樓共日華明

五真結就圓珠炁
骨似丹瓊貌似嬰

其六

秀華峰下五靈都
元景神君握化樞

真火有功能造化
銷融五苦出迷途

其七

赫赫瞳瞳日九輪
六淵宮殿紫元君

伐一

十五

霞冠錦帔端居暇
披拂祥烟著紫文

其八

佳氣青葱覆紫空
青精羽駕命元童

逆風浩蕩三千里
七返香烟處處通

其九

流汨池中大寶蓮

開花十丈映池泉

嗅香飲水無飢渴

綽約金華葉上仙

其十

萬仞霞山峙玉虛

四司冠劍護靈都

衆真稽首持天樂

腰佩仙皇逸錄符

太清樂十首

太乙元君掌列仙

彤輝絳彩射芝田

功圓會遇列名籍

可但洪崖笑拍肩

其二

五節清香夜半焚
天人玉女盡遙聞
味同炁合遙相應
絳節霓旌下五雲

其三

太極元君翠翮車
萬魔奔走聽神符
九龍縱步齊驤首
時見空中吐火珠

其四

藥珠宮裏七言成
十一真君一一名
雲擁蒼虬歸火府
風隨素虎出滄瀛

其五

金闕明光後聖君
流精煥彩結丹雲

不因太上相傳授
安得人間有玉文

其六

元景巖巖聳太空
超超仙室在霞中
九雲變化俄離合
羽駕飄飄不可窮

其七

東井中涵皓月精
群龍奮躍運金嬰

伐一

十六

其八

仙人灌沐知何代
惟見玻璃透骨明

渺渺三津遶帝川
川連紅霧霧連天
玉靈仙母時游息
侍衛森羅日月軒

其九

九靈玉館接崑崙
山隔流網不可親
囑付紫蘭令說與
紅塵何苦弊精神

其十

左右靈妃運甲庚
琳宮八景鍊華精

常陽宴罷歸何處
擲火流金事克成

白鶴詞十首

胎化靈禽唳九天
雪毛丹頂兩相鮮
世人莫認歸華表
來瑞昇平億萬年

其二

瑤臺風靜夜初分
仰啄驚鳴露氣新
太液徘徊歸未得
曾於往劫作麒麟

其三

靈鶴翩翩下太清
玉樓金殿曉風輕
昂昂不與雞爲侶
時作沖天物外聲

伐一

十七

其四

三山碧海路非遙
來瑞清都下紫霄
霜雪羽毛冰玉性
瑤池深處啄靈苗

其五

金火純精見羽儀
長隨王母宴瑤池

玉壇夜醮神仙降

飛過緹山人不知

其六

五雲宮殿步虛長

斗轉璇霄夜未央

白鶴飛來通吉信

清音齊逐返風香

其七

一聲嘹唳九臯禽

換骨輕清歲月深

遼海等閑人不識

大羅天上有知音

其八

白毛鮮潔映霜華

丹頂分明奪絳砂

千六百年神炁就

飛鳴長伴玉仙家

其九

蓬萊會散列仙歸

羽駕飄然白鶴飛

明代爲祥人慣見

何須樂府詠金衣

其十

玉宇沈沈瑞霧開

香風未斷鶴徘徊

竒姿迥與青田別

定是仙人次第來

七言散花詞

南斗攔珊址斗移

衆星舊璨月華輝

元始傳言齊授籙

道君開教盡皈依

其二

小有洞中千歲草
玉京山上萬年桃
九龍閣上集真聖
大仙臺畔步虛謠

其三

三真玉女持花節
一雙童子捧金爐
月帔珠穿九彩綬
雲裾香透六銖衣

其四

伐一

靜掃蓬萊山上路
相邀王母下瑤臺
五色祥雲隨步起
六銖仙服著身來

其五

日月相催人漸老
不如修道學長生

昨朝暫到崑崙頂

人間早已數千年

其六

昨日朝元過紫微

玉壇風冷杏花稀

碧桃疑我傳消息

何事人間更不歸

其七

五色彩雲隨步起

六銖仙服着身來

三島羽人朝玉闕

九天仙子下瑤臺

其八

五色雲中呈彩鳳

一爐香裊見朱烟

三島神仙來入座

十洲鸞鶴引沖天

五言散花十首

絳節徘徊引
天花散漫飛
高仙無染着

片片不沾衣

八陛旋瓊級
千花暢錦英
綠停併紫柰

煥麗不知名

伐一

淺淺黃金萼
勻勻白玉英
天風隨羽駕

十九

吹滿九重城

綽約縈空際
繽紛落座隅
韶華長不老

何處覓仙都

淨侶吟仙曲
人人讚善哉
萬花興供養

飛舞自天來

寶藥開琪圃

長共彩鸞飛

聖境三千歲

併奉列仙來

几席延飈馭

碎錦洒雲端

碧綠相差次

雕琢本無心

洞案爐烟起

珍柯在紫微

不教蝴蝶採

仙花始一開

如何金錄會

香燈建寶壇

丹心無可獻

紅黃迭淺深

化工應自失

無為道德香

同根無異炁

噴鼻更芬芳

凡散花每兩句爲一首上一句吟畢繼吟
散花禮三字方吟下一句吟畢繼吟滿道
場聖真前供養八字

靈寶領教濟度金書卷之十

